

12 - MAMILIONI WAMEDANGANYWA NA UONGO



Usiruhusu Litokee Kwako.



1

Hadithi za kubuni hukubalika kama ukweli hasa kama zimekuwa zikinenwa kwa muda mrefu. Chukua habari ya buibui. Takribani mwaka wa 350 K.K., mwana falsafa mkuu wa Kiyunani Aristotle alimuainisha buibui kama mwenye miguu sita.

2

Na kwa karne zilizofuata 20 kila mmoja aliamini buibui alikuwa na miguu sita. Hakuna aliyejali kuhesabu. Hata hivyo, ni nani angediriki kumpa changamoto Aristotle mkuu?

Naam, punde akaja Lamarck, mwanabaiolojia na mchunguzi wa viumbe hai. Kwa uangalifu aliheesabu miguu ya buibui. Na unadhani miguu mingapi aliyohesabu? Nane kwa hakika!

Habari isiyo ya kweli iliyokuwa imefundishwa kwa karne kadhaa iliharibiwa kwa sababu Lamarck alijali kuhesabu

12 - MAMILIONI WAMEDANGANYWA NA UONGO



3

Je, yawezekana ya kwamba fundisho la uongo la kidini limejipenyeza ndani ya kanisa la Kikristo? Je, yawezekana tunashughulika na jambo ambalo ni zaidi ya mjadala wa buibui mwenye miguu sita - nane hapa?

Mamilioni ya watu wanaabudu katika siku ya kwanza ya juma wakiamini ya kwamba ni Sabato ya Biblia. Katika mjadala wetu uliopita, tuligundua ya kwamba siku ya saba ya juma, Jumamosi, ni Sabato ya kweli ya Mungu. Kama jinsi ambavyo vitabu kwa miaka 2,000 vilivyofundisha kwa makosa ya kwamba buibui ana miguu sita, vivyo hivyo mamilioni wamekubali uongo kuhusu Sabato.

Sababu yako ya kuhudhuria mikutano hii ya mafundisho ya Biblia ni kwa sababu moyo wako unautamani ukweli. Unataka kujua kwa hakika kile neno la Mungu linachokisema. Huna shauku na kile viongozi wa kidini wanachokifundisha. Unahitaji kujua kile Mungu anachokisema. Hebu tufanye mapitio ya kile tulichojifunza katika mkutano wetu uliopita.



4

Tumejifunza ya kwamba Mungu ametupatia siku maalum kila juma - siku ya Sabato - ambayo katika hiyo tunamwabudu na kukumbuka kazi Yake kama Muumbaji wetu.

Tulijifunza ya kwamba siku ya Sabato siyo siku yoyote tu - bali ni siku ya saba ya juma.

Na tulijifunza ya kwamba Sabato itaendelea kutunzwa baada ya dunia hii kufikia mwisho na tukiwa mbinguni pamoja na Muumbaji wetu.



5

Lakini kama tunavyotazama dunia, tunaona ya kwamba watu wengi - wengi zaidi kwa kweli - hawamuabudu Mungu siku ya saba.



2

6

Wengi hata hawamwabudu Mungu wa Biblia, kwa kweli, wanakuwa tu na miungu mingine.

12 - MAMILIONI WAMEDANGANYWA NA UONGO



7

Lakini kwa wale wanaomwabudu Mungu wa Biblia, hata wengi wa wale wanaomwabudu Yeye katika siku nyingine kando ya ile aliyoiweka pembeni kama siku Yake takatifu.

Kwa nini hilo lipo?

Je, Mungu aliibadilisha siku?

Je, yupo aliyeibadilisha siku ?

Kwa nini watu wengi kiasi hicho wanaadhimisha siku nyingine, kama Jumapili, kama siku ya Mungu, badala ya Sabato ya siku ya saba?



8

Tumejifunza ya kwamba Biblia inatuambia ya kwamba katika sheria Yake, Mungu alitupatia sisi sote ishara - ishara ya pekee sana:



9

(Fungu: Ezekieli 20:12, 20)

Tena naliwapa sabato zangu, ziwe ishara kati ya mimi na wao,



10

wapate kujua ya kuwa mimi, BWANA, ndimi niwatakasaye....



11

Zitakaseni sabato zangu: zipate kuwa ishara kati ya mimi na ninyi,



12

mpate kujua ya kuwa mimi ndimi BWANA, Mungu wenu.

Ezekieli 20:12,20.

12 - MAMILIONI WAMEDANGANYWA NA UONGO



13

Biblia, tangu mwanzo hadi mwisho, inashuhudia ukweli ya kwamba Mungu ameiweka siku ya Sabato na ya kwamba siku ya Sabato ni siku ya saba ya juma.

Na hakuna mahali katika Biblia ambapo Mungu anaonyesha ya kwamba amebadilisha siku ile ya kuabudu na ya pumziko- ile ishara kati yake Yeye mwenyewe na watu Wake.



14

Hebu tupitie kidogo yale ambayo tumeyaona katika jumbe hizi, kwa kujifunza Neno la Mungu.

Wakati Mungu alipomaliza kuumba Sayari Dunia na mwanadamu, aliumba Sabato.



15

kama kumbukumbu ya Uumbaji wake katika siku ya saba ya juma la kwanza na katika historia yote.



16

Wakati Mungu alipoandika sheria yake pale Mlimani Sinai, aliweka katika moyo kabisa wa hizo amri Sabato.



17

Hii amri ilikuwa daima pale ili kumkumbusha mwanadamu ya kwamba hakutokea tu na kuwepo.



18

Sababu anayoitoa imfanyayo kuomba mwanadamu kuitunza siku ya saba ni kwamba aliumba dunia kwa siku sita



19

na kupumzika katika siku ya saba.

Kuhusu amri zake, Mungu, kupitia kwa Musa, aliwaambia watu ya kwamba hawakupaswa kupunguza wala kuongeza katika hizo.

12 - MAMILIONI WAMEDANGANYWA NA UONGO



20

(Fungu: Kumbukumbu 4:2)
Msiliongeze neno niwaamurulo wala msilipunguze,



21

mpate kuzishika amri za BWANA, Mungu wenu niwaamuruzo.
Kumbukumbu 4:2. Mungu pia aliwaambia,



22

(Fungu: Zaburi 89:34)
Mimi sitalihalifu agano langu, Sitalibadili neno lililotoka midomoni mwangu.




23

Yesu mwenyewe alionyesha dhamira yake ya kuitukuza Sheria aliyoitoa Mlimani Sinai. Aliwaambia watu katika hotuba yake katika Mlima ya kwamba hakuja kuiweka pembeni Sheria ya Mungu bali kuitimiliza!



24

(Fungu: Mathayo 5:17 - 19)
Tambua maneno haya:
Msidhani ya kuwa nalikuja kuitangua torati au manabii; la, sikuja kuitangua, bali kutimiliza.




25

Kwa maana, amin, nawaambia, Mpaka mbingu na nchi zitakapoondoka,



26

yodi moja wala nukta moja ya torati haitaondoka, hata yote yatimie.



27

Basi mtu yeyote atakayevunja amri moja katika hizi zilizo ndogo, na kuwafundisha watu hivyo,

12 - MAMILIONI WAMEDANGANYWA NA UONGO



28

ataitwa mdogo kabisa katika ufalme wa mbinguni.....
Mathayo 5:17 - 19.

Wakati Mungu alipotoa Amri Kumi kwa watu wake, aliweka wazi pia ya kwamba hakuna mtu anayeruhusiwa kufanya marekebisho au kubadili maelekezo yaliyotoka katika kinywa chake kitakatifu.



29

Yesu mwenyewe alieleza kwa mfano wake ya kwamba alitaka kuheshimu siku ambayo Yeye na Baba Yake waliitakasa katika juma la kwanza la historia ya dunia hii.



30

(Fungu: Luka 4:16)

Akaenda Nazareti, hapo alipolelewa; na siku ya sabato akaingia katika sinagogi kama ilivyokuwa desturi yake,



31

Alikwenda kwenye sinagogi siku ya Sabato na akasimama kusoma.
Luka 4:16.



32

Wakati viongozi wa kidini walipowashitaki wanafunzi wa Yesu kwa sababu ya kuivunja Sabato, Yesu alisema alikuwa pia Bwana wa siku hiyo.



33

(Fungu: Marko 2:27,28)

Sabato ilifanyika kwa ajili ya mwanadamu, si mwanadamu kwa ajili ya sabato.



34

(Nani Alibadili Sabato) Basi Mwana wa Adamu ndiye Bwana wa sabato pia.
Marko 2:27,28.

12 - MAMILIONI WAMEDANGANYWA NA UONGO



35

Si tu kwamba Yesu aliiheshimu siku ya Sabato, bali pia aliwaomba wanafunzi wake wasali ili waweze kuitunza siku yake takatifu mbeleni sana - siku za usoni.



36

(Fungu: Mathayo 24:20)

Tunaliona ombi hili katika Mathayo 24:20 ; Ombeni ili kukimbia kwenu kusiwe siku za baridi au siku ya Sabato!



37

Hapa Yesu alikuwa akinena juu ya kukimbia kwa wafuasi wake toka Yerusalemi kabla tu ya



38

kuangamizwa kwake katika mwaka wa 70 B.K.kulikofanywa na Warumi.



39

Aliposulubishwa alitegemea kwamba wafuasi wake wangeendelea kuiheshimu Sabato.



40

Wayahudi Waorthodoxi wamekuwa wakiabudu katika siku ya saba tangu wakati wa Kutoka, zaidi ya miaka 3,500 iliyopita. Popote walipo duniani, hutambua Jumamosi, siku ya saba ya juma, kama siku ambayo Mungu aliiweka pembeni kwa ajili ya ibada.



41


Hata kama Biblia ingekuwa chanzo chetu pekee cha taarifa, bado tungeweza kutambua siku ipi ni siku ya saba, au Sabato. Tunapoangalia taarifa ya kusulubiwa kwa Yesu, Kitabu cha Luka kinafupisha matukio ya mwisho ule wa juma. Baada ya Kristo kufa msalabani siku ya Ijumaa, Biblia inatoa wazo:

12 - MAMILIONI WAMEDANGANYWA NA UONGO




42

(Fungu: Luka 23:54-56; 24:1)
Na siku ile ilikuwa siku ya Maandalio, na sabato ikaanza kuingia.




43

Na wale wanawake waliokuja naye toka Galilaya walifuata, wakaliona kaburi, na jinsi mwili wake ulivyowekwa.



44

Wakarudi, wakafanya tayari manukato na marhamu. Na siku ya sabato walistarehe kama ilivyoamriwa.



45

(Luka 24:1 HNKK)
Jumapili, alfajiri na mapema, wale wanawake walikwenda kaburini wakichukua yale manukato waliyotayarisha.



46

walikwenda kaburini, wakiyaleta manukato waliyoweka tayari.
Luka 23:54-56; 24:1.



47

Sehemu kubwa ya ulimwengu wa Kikristo unasherehekea kile kiitwacho Ijumaa Kuu kama kumbukumbu ya mauti ya Kristo. Wanasherehekea Jumapili ya Pasaka kama kumbukumbu ya Ufufuo wa Kristo.



48

Biblia inatuambia ya kwamba siku iliyo katikati ni ya Sabato, kama ilivyoamriwa.

12 - MAMILIONI WAMEDANGANYWA NA UONGO



49

Hata ingawa Luka aliandika maneno hayo miaka mingi baada ya msalaba, bado aliitaja Jumapili kama siku ya kwanza ya juma, Na bado aliiita siku ya saba Sabato.

Taarifa ya Kibiblia inatofautisha wazi kabisa siku hizi mbili.



50

Hakika, mitume waliendelea kuabudu na kuhubiri katika Sabato ya siku ya saba kwa miaka mingi baada ya msalaba.



51

(Fungu: Matendo 13:14,42,44)

Biblia yasema juu ya Paulo na wenzake walipotembelea Antiokia kuwa:

...wakaingia katika sinagogi siku ya sabato, wakaketi.



52

Matendo 13:42. Baadaye, ..Walipokuwa wakitoka,



53

wakawasihi wawaambie maneno haya sabato ya pili.



54

Hata sabato ya pili, watu wengi, karibu mji wote, wakakusanyika walisikie neno la Mungu. Matendo 13:44.

Ilikuwa desturi ya Paulo kuabudu katika sinagogi kila Sabato:

12 - MAMILIONI WAMEDANGANYWA NA UONGO



55

(Fungu: Matendo 18:4)

Akatoa hoja zake katika sinagogi kila sabato, akajaribu kuwavuta Wayahudi na Wayunani. Matendo 18:4

Kutokana na dondoo hizi za Biblia, mtu aweza kuona kwa urahisi ya kwamba hakuna kithibitisho ya kwamba Kristo au wanafunzi wake waliibadili siku ya ibada.

Hakuna taarifa katika Biblia inayoamuru badiliko la namna hiyo!



56

Hakuna kati ya waandishi wa Agano Jipya aliyeleza juu ya mabadiliko yoyote ya siku ya Sabato!

Ingekuwa makala inayoongoza katika Sehemu ya Agano Jipya ya Biblia kama badiliko la namna hiyo lingetokea!



57

(Fungu: Zaburi 89:34)

Mungu alisema, Mimi sitalihifu agano langu, Sitalibadili neno lililotoka midomoni mwangu. Zaburi 89:34.

Mungu hajaibadili sheria yake na hakuna hata mmoja aliye na haki ya kubadili Sheria ya Mungu! Wasomi tokea makundi mbalimbali yatunzayo siku ya Jumapili wanalitambua hili.



58

Kadinali wa Kikatoliki James Gibbons aliwahi kuandika:


Waweza kusoma Biblia tokea Mwanzo hadi Ufunuo, na hutapata mstari mmoja unaotoa mamlaka ya utakaso wa siku ya Jumapili.



59


Maandiko yanasisitiza uadhimishaji wa Jumamosi.

12 - MAMILIONI WAMEDANGANYWA NA UONGO



60

Clovis G. Chappell, Mmethodist, anatoa maneno kama hayo asemapo, Sababu ya kuadhimisha siku ya kwanza badala ya siku ya saba haina msingi katika amri yoyote.



61

Mtu aweza kuchunguza Maandiko bure kwa ajili ya kupata ushuhuda wa kubadilishwa toka siku ya saba hadi ya kwanza.


- Kanuni Kumi za Maisha. Uk.61.



62


Hakuna taarifa yoyote ya Kibiblia kwamba Kristo au wanafunzi wake walitunza siku nyingine yoyote au walielekeza wengine kufanya hivyo!

Sasa je, Utunzaji wa siku ya Jumapili ulianzaje? Waweza kuuliza.



63

Tunajifunza toka kwa Socrates Scholasticus, mwana historia wa karne ya tano: Karibia makanisa yote katika dunia nzima yanasherehekea siri takatifu [Meza ya Bwana] katika Sabato ya kila juma,



64

na bado Wakristo wa Aleksandria na wa Rumi, kwa sababu ya taarifa za mapokeo ya kale, wamekoma kutenda hivi.

- Historia ya Makanisa, kama ilivyonukuliwa na C.B. Haynes, Kutoka Sabato Hadi Jumapili, Uk. 35.



65

Wanahistoria wengine wameandika taarifa ya kwamba vikundi vingi vya makanisa vilikuwa vikiiadhimisha Sabato ya siku ya saba wakati wa Zama za Kati, na mazoea hayo yamewekwa vizuri na Wakristo katika nyaraka za kisasa katika ulimwengu mzima.



66

Wana historia wengi wa kanisa wanaweka bayana mabadiliko ya siku yaliyokuja polepole wakati fulani kati ya mwaka 70 B.K. na 135, tarehe ambapo maasi makuu yaliyotokea mara mbili yalizimwa na Warumi.

12 - MAMILIONI WAMEDANGANYWA NA UONGO



67

Chuki ya Warumi iliyokuwa ikiongezeka dhidi ya Wayahudi iliungana na kuhitilafiana kati ya Wayahudi na Wakristo, na kuongeza kuwepo kwa fasihi iliyoupinga U-yahudi, ambayo baadaye, ilileteleza fikira za kuupinga U-yahudi katika Himaya yote ya Kirumi.

Wakristo wakawa na tahadhari zaidi na swala la kuhusianishwa na Wayahudi.

Kwa sababu utunzaji wa Sabato ulionekana kuwafanya wahusianishwe na Wayahudi, Wakristo wengi walianza kupunguza masharti yake.



68

Dalili za muhimu zinaonyesha ya kwamba uadhimishaji wa Jumapili ulianza wakati huohuo pamoja n Jumapili y a Pasaka,



69

kama jaribio la kuhakikishia mamlaka ya Kirumi utofauti kati ya Ukristo na U-yahudi. Ibid. (Kitabu hicho hicho), Uk. 237.



70

Ukiwa na hili mawazoni, ni rahisi kuona jinsi Wakristo walioishi katika jiji la Ufalme wa Kirumi walivyoongoza njia katika kujitenga wao wenyewe na utunzaji wa Sabato.

Walikuwa katikati mahali ambapo uadui ulikuwa na nguvu zaidi!



71

Inaeleweka zaidi hasa kwamba waliweza kuaibikia utunzaji wa Sabato, uliodharauliwa zaidi na Warumi, katika pia mtizamo huu ya kwamba kanisa la Kirumi lilikuwa zaidi na uwingi wa Wamataifa, ambao walikuwa waongofu tokea upagani.



72

(Fungu: Warumi 11:13)

Inapendeza kutambua jinsi Paulo alivyolitaja kanisa katika Rumi: Lakini nasema na ninyi, mlio watu wa Mataifa...

Warumi 11:13.

12 - MAMILIONI WAMEDANGANYWA NA UONGO



73

Wakristo hawa, ambao walikuwa wameongoka hivi karibuni kutokea upagani, hawakuwa wameimarika vema katika utunzaji wa Sabato kama Wayahudi Wakristo, ambao daima walizoea kutunza Sabato.



74

Lakini kwa nini Jumapili ilichaguliwa na wala siyo siku nyingine yoyote ya juma?

Hilo ni swali zuri!

Wapagani katika Ufalme wa Kirumi walikuwa waabudu mungu jua kwa miaka mingi, wakiisherehekea Jumapili kama siku ya jua.



75

Wafalme wa Kirumi walikuwa hata wamejiwakilisha wao wenyewe kama miungu jua, wakiweka mihuri ya nembo za jua katika sarafu zao na majengo na wakidai ibada toka kwa waliowatawala.

Baadhi ya wanathiolojia huamini ya kwamba kanisa lilipata faida katika kupatana na upagani.

Kwa kukubali desturi chache za kipagani, wapagani wangeongoka katika Ukristo kwa urahisi na kujisikia huru.


Ingesaidia pia ufalme kwa kuunganisha raia wake katika dini moja kuu.



76

Kwa karne kadhaa Jumapili ilisherehekewa, siyo kama siku takatifu, bali kama sikukuu.

Halafu siku zote mbili zikatunzwa kama siku takatifu.



77

Tunasoma yafuatayo kutoka katiba za Kitume, sura ya 23.


Wakristo hawakuwa peke yao ambao walikuwa wazembe na polepole wakalegea katika imani yao.



78

Mmomonyoko wa usafi wa kanisa la Mitume ulisimama imara na dhahiri, lakini wakati kizazi cha pili na cha tatu cha Wakristo kilipokuja,

12 - MAMILIONI WAMEDANGANYWA NA UONGO




79

tunaona kithibitisho cha kuridhiana na upagani pamoja na uasi.



80

Huku kusererereka na kuingia katika maridhiano haya kulikaziwa na sheria ya kwanza ya kiserikali ya Jumapili iliyopitishwa na Mfalme wa Kirumi Konstantine tarehe 7 Machi, 321 B.K.



81

Wakati akiwa bado mpagani, aliifanya sheria: Katika siku ya kuheshimiwa ya Jua hebu wakuu na watu wakao kwenye majiji na miji wapumzike, hebu karakana zote zifungwe.




82

Mashambani, hata hivyo, watu walio katika kilimo wanaweza kuendelea kwa uhuru na kulingana na sheria waendeleo tu na shughuli zao.
Historia ya Kanisa la Kikristo, Tol. 1902, Gom.3, uk, 380.



83

Hatua iliyofuata katika kufanya utunzaji wa Jumapili kuwa sehemu ya muhimu katika Ukristo ilichukuliwa na Kanisa la Kirumi katika Baraza la Laudikia. Lilifanya sheria ya kwanza ya kidini kuhusu utunzaji wa Jumapili.




84

Katika mwaka wa 325, Sylvester, Askofu wa Kirumi alibadili cheo cha siku ya kwanza na kuiita 'Siku ya Bwana.'

- Historia Ecclesiastica, uk 739.


Katika Baraza jingine la Laudikia, lililofanyika mwaka 364, sheria ifuatayo iliwekwa:



85


Wakristo hawatafanya Kiyahudi [kutunza Sabato] na kukaa bila kazi siku ya Jumamosi,... bali watafanya kazi katika siku hiyo;

12 - MAMILIONI WAMEDANGANYWA NA UONGO



86

lakini siku ya Bwana wataiheshimu kwa namna ya pekee, na, kwa kuwa Wakristo, kama itawezekana,



87

hawatafanya kazi katika siku hiyo.

- Historia ya Mabaraza ya Kanisa, gombo la 2, uk. 316.



88

Hata pamoja na hili, Wakristo bado walikuwa wakiiadhimisha Sabato katika karne ya sita, kwani Papa Gregory alishutumu



89

Kama manabii wa Mpinga-Kristo wale waliokaza kusema kazi haipaswi kufanywa siku ya saba.

- Sheria ya Jumapili, imenukuliwa katika C.B. Haynes, Toka Sabato Hadi Jumapili, uk. 43.



90

Kumbuka ya kwamba Biblia haikupatikana kwa kila mmoja wakati ule kama ilivyo sasa.

Mafundisho yalipitishwa kwa kauli za midomo hadi kufikia kiasi kwamba walei hawakuweza kutofautisha kwa urahisi kati ya Maandiko na mapokeo.



91

Hadi watu walipojua kwa hakika ukweli kama ulivyofundishwa na Kristo na wanafunzi wake. Karne zilipita,



92

na Matengenezo ya Kiprotenstanti yakaja, yakihoji kanuni nyingi na mapokeo ambayo yalikuwa yamesimamishwa badala ya mafundisho ya Neno la Mungu.

12 - MAMILIONI WAMEDANGANYWA NA UONGO



93

Kilio cha matengenezo kilikuwa, Biblia na Biblia yenyewe kama kanuni yetu ya imani.



94

Wengi kama Huss na Jerome, walilipa kwa ajili ya uaminifu wao kwa Biblia kwa kuchomwa katika miti iliyoandaliwa kwa makusudi hayo!



95

Hata hivyo, baada ya karne ya sita, ukweli wa Sabato ulikuwa kana kwamba umelala, ukijificha chini ya karne za mapokeo.

Wachache walijifunza kwa karibu kuona kama Maandiko yalifundisha nini.

Walikubali yale yaliyokuwa yamepokelewa toka kwa vizazi vilivyowatangulia, bila kuhoji kama ulikuwa ukweli ama habari za kubuni.



96

Wakati fulani watu hukubali mambo bila kuhoji. Kwa karne nyingi watu wengi waliamini ya kwamba dunia ilikuwa kiini cha ulimwengu. Waliamini ya kwamba jua na sayari zote viliizunguka dunia.

Copernicus (Kopanikas) aliyetumia uhuru wake wa kuwaza aliipinga imani hii isiyo sahihi.

Alitamka, Jua, siyo dunia, ndilo lililo kiini cha ulimwengu. Je, wajua ni nani waliompinga zaidi?

Viongozi wa Kanisa -- waalimu wa dini. Walipaza sauti, Huwezi kubadili mbingu za Mungu.

Kwa vyovyote, Copernicus hakuwa akibadili mbingu za Mungu. Alikuwa akifunua tu mapokeo makongwe ambayo hayakuwa na msingi wowote wa kisayansi.

Copernicus alikuwa akifunua ukweli.

Kwa kuamini jambo fulani kwa muda mrefu hakulifanyi kuwa la kweli.


Sabato ilibadilishwaje? Sikiliza kauli zifuatazo za kushangaza za maandishi wa Kikatoliki ambao kanisa lao liliongoza njia ya mabadiliko toka Sabato hadi Jumapili.

12 - MAMILIONI WAMEDANGANYWA NA UONGO



97

Kanisa la Kikatoliki kwa zaidi ya miaka elfu moja kabla ya kuwepo kwa U-Protestanti, kwa uwezo wa utume wake wa Kimbingu,




98

lilibadili siku toka Jumamosi hadi Jumapili.
- Sabato ya Kikristo, uk.16.



99

Toka katika Katekismus ya Muongofu, tunasoma:




100

Swali: Siku ya Sabato ni ipi?



101

Jibu: Jumamosi ni siku ya Sabato.



102

Swali: Kwanini tunaiadhimisha Jumapili badala ya Jumamosi?



103

Jibu:kwa sababu Kanisa la Kikatoliki lililhamisha utukufu toka Jumamosi hadi Jumapili.
Badiliko hili lilifanywa na Baraza la Laudikia mwaka 336 B.K.

12 - MAMILIONI WAMEDANGANYWA NA UONGO



104

Kwa nini, unahoji, Kanisa Katoliki, kwa uhuru wake lenyewe na kujiamulia lenyewe, lilisimika badiliko hili? Jibu lipo, kwa sehemu, katika ukweli juu ya jinsi Kanisa la Kikatoliki lilivyoweka mamlaka katika mapokeo.



105

Mojawapo ya mada muhimu zilizotofautisha Waprotestanti na Wakatholiki nyakati za awali za Matengenezo ni hii ya mamlaka ya mapokeo kanisani.

Wakati Martin Luther alipotamka ya kwamba ilikuwa lazima afuate Biblia na Biblia pekee, alipingana na taasisi nyingi za Kanisa Katoliki ambazo zilikuwa na misingi yake yote katika mapokeo.



106

Kwa kweli, Baraza la Trent liliitishwa ili kuamua msimamo gani halisi kanisa Katoliki lilipaswa kuchukua katika swala la mapokeo na hasa jinsi linavyohusianishwa na Biblia.

Swala hili liliamuliwa hatimaye.

Tazama muhtasari wa hotuba uliotolewa uliogeuzwa upepo, kama ambavyo imerekodiwa na H.H. Holtzman:



107

Hatimaye, katika ufunguzi wa mwisho wa tarehe kumi na nane Januari, 1562, kusita kwote kuliwekwa pembeni:



108

Askofu Mkuu wa Reggio alitoa hotuba ambayo kwayo alitamka wazi ya kwamba mapokeo yalikuwa juu ya Maandiko.

- Kanuni na Mapokeo, uk. 263.

Biblia haiungi mkono wazo kwamba mapokeo ni msingi wa mafundisho ya kanisa.



109

Je, unakumbuka swali Yesu alilouliza viongozi wa kidini wa wakati wake?


12 - MAMILIONI WAMEDANGANYWA NA UONGO



110

(Fungu: Mathayo 15:3,9)

Aliuliza, Mbona ninyi nanyi huihalifu amri ya Mungu kwa ajili ya mapokeo yenu?



111

Kisha akaongeza, Nao waniabudu bure, Wakifundisha mafundisho Yaliyo maagizo ya wanadamu.

Mathayo 15:3,9.



112

Je unaiona hoja ?

Je, utamfuata Kristo na Biblia - au mapokeo ya mwanadamu?

Si tu swala la siku na nambari.

Ni swala la mabwana!

Huo ndio majadala hakika!

Je, Yesu Kristo ni Bwana wako- au ni mapokeo tu ya mifumo mingine?



113


Tume tazama wasomi wanaoaminika kadhaa pamoja na taarifa za kihistoria. Lakini hapa ni baadhi ya kauli za kisasa juu ya kubadilishwa kwa Sabato.



114

Tunaikuta kauli hii: Lilikuwa Kanisa la Kikatoliki lililoamua ya kwamba Jumapili iwe siku ya ibada kwa Wakristo ili kuuheshimu ufufuo.


- Karl Keating, Ukatoiki na Uanzilishi, 1988, uk. 38.



115

Kauli nyingine itakayokusababisha utulie na kufikiri inatoka kwa gazeti la Sentinel la Mtakatifu Catherine la Kanisa Katoliki, Mei 21, 1995. Lilisema, Pengine jambo la kijasiri kuliko yote, badiliko la kimapinduzi kuliko yote ambayo Kanisa limepata kufanya, lilitokea katika karne ya kwanza. Siku takatifu,

12 - MAMILIONI WAMEDANGANYWA NA UONGO



116

Sabato, ilibadilishwa tokea Jumamosi hadi Jumapilisiyo kutokana na maelekezo yoyote yaliyo katika Maandiko, bali kutokana na Kanisa lenyewe kuhisi uwezo wake lenyewe.....



117

Watu wanaodhani ya kwamba maandiko yanapaswa kuwa mamlaka pekee wanapaswa kwa uamuzi wa maana kabisa kuwa Waadventista wa Sabato, na kuitunza Sabato takatifu.



118

Katika unabii wa Danieli 7, Mungu alifunua kwa Danieli ya kwamba pembe ndogo ya Danieli 7:21,25, ilikuwa inakwenda



119

(Fungu: Danieli 7:25)
kubadili nyakati na sheria.
NI UNABII WA MAANA KIASI GANI HUU!
Hapa kuna utabiri ulio wazi kabisa ya kwamba mamlaka ua kidini ya duniani ingejaribu kubadili sheria ya Mungu.
Kuna amri moja tu kati ya kumi inenayo juu ya wakati - amri ya Sabato.



120

Kanisa la Kirumi lilifikiria kutenda hili, lakini Mungu ni yule yule bado leo kama alivyokuwa alipoumba mbingu na nchi na hajabadilisha kile alichokiweka katika Edeni.

Kwa kweli, unabii unaalika kila mmoja popote pale kumwabudu Muumbaji, kwa sababu Yeye ndiye atakaye hukumu wanadamu.



121

Unabii unatolewa ili kuita nje watu watakaokuwa tayari kumpokea Yesu wakati atakaporudi katika utukufu.
Watu watakaoitikia na kuwa tayari wanaelezwa kwa namna hii,

12 - MAMILIONI WAMEDANGANYWA NA UONGO



122

(Fungu: Ufunuo 14:12)

Hapa ndipo penye subira ya watakatifu, hao wazishikao amri za Mungu, na imani ya Yesu. Ufunuo 14:12



123

Hili halihitaji maelezo ya kwamba wale walio na imani ya Yesu, watatunza amri zake kutokana tu na moyo wa upendo walio nao kwa Mungu.



124


Ndiyo, Mungu anatuomba sisi TUMKUMBUKE Yeye kama Muumbaji wetu kwa kutunza Siku yake takatifu.

Kutenda kama anavyotuomba inamaanisha ya kwamba tunaonyesha utii wetu kwake.

Wakati mtu atunzapo Sabato iliyofanywa na mwanadamu, anatii mapokeo ya mwanadamu.

Tunapogundua mapenzi ya Mungu, ni furaha yetu kuyafuata.


Mungu analo la kusema juu ya mapokeo ya mwanadamu:



125

(Fungu: Marko 7:6,7)


...Watu hawa huniheshimu kwa midomo, ila mioyo yao iko mbali nami;



126

Nao waniabudu bure, Wakifundisha mafundisho Yaliyo maagizo ya wanadamu.

Marko 7:6,7.




127

(Fungu: Marko 7:9 HNKK)

Na tena,Ninyi mnajua kuepa kwa ujanja sheria ya Mungu kwa ajili ya kufuata mapokeo yenu!

Marko 7:9.

12 - MAMILIONI WAMEDANGANYWA NA UONGO



128

(Fungu: Marko 7:6)

Yesu alisema, Mioyo yao iko mbali nami.

Unaona, ni swala la moyo .

Swala la upendo.



129

(Fungu: 1 Yohana 5:3)

Biblia yasema, Kwa maana huku ndiko kumpenda

Mungu, kwamba tuzishike amri zake; wala amri zake si nzito.

1 Yohana 5:3.



130

Yesu, alipokuwa akifundisha siku moja, aliwaambia wasikilizaji wake ya kwamba si kila mtu atakaye kwenda mbinguni.

Alisema utaujua mti kwa matunda yake, yakiwa mema au mabaya.



131

(Fungu: Mathayo 7:21)

Kisha akasema, Si kila mtu aniambiaye, 'Bwana, Bwana,' atakayeingia katika ufalme wa mbinguni,



132

bali ni yeye afanyaye mapenzi ya Baba yangu aliye mbinguni. Mathayo 7:21.



133

Hilo liko wazi kabisa. Mungu anawajua walio wake kwa kutizama tunda la maisha yao.

siyo tu wale wasemao ya kuwa ni wa Mungu, bali wale ambao hutenda kile alichowaambia wakitende.

Ni wale watu watakaokaribishwa katika ufalme wa Mungu.



134

Kama unampenda, utamruhusu awe ndiye anayeendesha maisha yako ili upate kutenda mapenzi yake. Tunapotunza Sabato, hatutunzi tu amri ya Mungu kwetu, bali pia tunafungua maisha yetu kwa mibaraka ya ajabu.

12 - MAMILIONI WAMEDANGANYWA NA UONGO



135

Tunapotumia siku ile maalumu kila juma tukimkumbuka Muumbaji wetu na tukimwendea, tunafikia hatua ya kumjua sana na kwa ubora zaidi. Maisha yetu yamejazwa na shughuli nyingi sana siku hizil

Kila mmoja anaonekana kuwa katika kukimbia. Kuna mengi sana ya kufanya - na kuna wakati mchache sana wa kuyatenda yote!



136

Katikati ya huku kutimka kote na msongo na haraka, Mungu anatualika tutoke kidogo kwa siku moja na tupumzike.

Anatualika tutumie muda pamoja naye- tukimwabudu, tukinena naye, tukimsikiliza anenapo nasi kupitia katika Neno lake, Biblia.

Ni upendeleo mzuri ulioje - kutumia siku nzima kila juma tukifikiri na kuwasiliana na Yule aliyetuumba!



137

Hebu nilifanye swala kuwa wazi zaidi kwako, rafiki. Upande mmoja tunao ukweli wakati upande mwingine tunayo mapokeo.

Upande mmoja tunayo Biblia na mwingine, mafundisho ya wanadamu.

Upande mmoja tunayo amri ya Mungu, wakati huo upande mwingine tunayo mafundisho ya watu.

Upande mmoja tunayo Sabato wakati upande mwingine tunayo Jumapili.

Siyo swala la siku - ni swala la mabwana.

Siyo swala la kumtii Mungu - ni swala la kumfuata Yesu.

Je, ungependa kufanya uamuzi wa kuyatoa maisha yako kufuata ukweli wa Mungu badala ya kukubali mapokeo yaliyotengenezwa na mwanadamu? Kwa nini usimwambie Yesu ya kwamba utamfuata Yeye njia yote tunaposali.